



Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. VI. Alia argumenta solvuntur,

[urn:nbn:de:hbz:466:1-77232](https://nbn-resolving.de/urn:nbn:de:hbz:466:1-77232)

A flagellis aut triturantium pedibus fit excussum. Sic & vivi lapides, qui ponendi sunt in illa caelesti Hierusalem, que adificatur ut civitas, varijs infortuniorum concussionibus poliuntur, priusqnam in adiicio caelestis habitaculi collocentur. Similia habet Hieronymus lib. 2. in Ezechiel. cap. 13. dicens: Moveretur turbo, ut Elias in cælum rapiat; quadratur lapis, ut in templi adiicio colloetur; tritatur granum, ut in horreo repatur.

32. Videri etiam potest Seneca in libro de providentia, ubi divinae providentiae causam eleganter defendit, & plures egregias assignat rationes, cur boni viri accident mala in hac vita. In primis enim dicit: Cum videris bonos viros, acceptosque dijs, laborare, sudare, per arduum ascendere: malos autem lascivire, & voluptatibus fluerre, cogita filiorum nos modestiâ delectari, vernularum licentiâ: illos disciplinâ tristiori conineri, horum ali audaciam. Idem tibi de Deo liqueat: bonum virum in deliciis non habet, experitur, indurat, sibi illum preparat. Quare multa bonis viris adversa eveniunt? Nihil accidere bono viro mali potest. Non miscentur contraria. Quemadmodum tot amnes superne dejectorum imbrum, tanta Mediterraneorum vis fontium, non mutant saporem maris, nec remittunt quidem.... ita adversarum impetus rerum, viri fortis non verit animum; manet in statu, & quidquid evenit, in suum colorem trahit, est enim omnibus externis posterior.... Omnia adversa exercitationes putat.... Marcer sine adversario virtus. Tunc appareat quanta sit, quantum valeat, polluteque, cum quid possit patientia ostendit.... Languent per inertiam saginata; nec labore tanum, sed mole, & ipso sui onere deficiunt. Non fert ullum ictum illæsa felicitas: At ubi assida fuerit, cum incommidis suis rixa, callum per injurias dicit, nec ulli malo cedit, sed etiam si ceciderit, de geno pugnat. Tandem concludit cum Demetrio Philologo: Nihil sibi videri infelicitas, eo cui nihil unquam evenit adversi. Cui concinit Boëtius libro de consolatione dicens, Infelicissimum infortunij genus esse, semper fuisse felicem.

§. VI.

Alia argumenta solvuntur.

33. Contra secundam & tertiam conclusionem, Objici potest celebre Hieronymi testimonium super caput 1. Abacuc Prophete, ubi sic loquitur: Absurdum est ad hoc Dei deducere maiestatem, ut sciat permomenta singula quo nascantur culices, quo rorantur: que cimicum, & pulicum, & muscarum sit in terra multitudine, quanti pisces in aqua natent &c. Non sinus tam facti adulatores Dei, ut dum potentiam ejus etiam ad ima detrahimus, in nos ipsos injuriosi simus, eandem rationalium quam irrationalium providentiam esse dicentes.

34. Respondeo primò, quod Hieronymus tantum negat, particulatum & alternatum Deum talionis, vel per diversa temporum momenta sic illa cognoscere, sicut per varia momenta deficiunt, vel incipiunt. Ita hunc locum explicat Magister sentent. in 1. dist. 39. & Alensis 1. parte dist. 26. membr. 4. art. 4. ubi ait: Scit Deus quanta sit multitudo pulicum, culicum, & muscarum: sed non scit hoc per momenta singula, immo simul & semel omnia.

Secundo responderi potest, quod Hieronymus in eo loco solum vult, Deum non habere ita pe-

cularem curam & providentiam de illis animalibus, sicut de nobis. In quo etiam sensu intelligendum est id quod dicit Apostolus 1. ad Corinth. 9. Nunquid de bobus cura est Deo? ut explicat D. Thomas hic art. 2. ad 5.

Tertiò responderi potest cum Sylvio, loco praicitato, illum locum esse unum ex illis, quos ipse Hieronymus in libro contra Ruhinum, dicit se in commentarij super Prophetas, non ex sua, sed ex aliorum sententia expoluisse.

B Objicies secundo cum Bellarmine, & Maria na, testimonium D. Thomæ quæst. sequenti art. 7. ubi ait: Licet Deus scias numerum omnium individuorum, non tamen numerus vel boum, vel culicium, vel aliquorum hujusmodi, est præordinatus à Deo.

Respondeo illos Authores textum D. Thomæ fideliter non referre, sed omittere unam particu lam integritati sensus proorsus necessariam, & ex qua omnino pendet intelligentia doctrina D. Thomæ. Non enim absolute dicit Sanctus Do-ctor, quod numerus boum, vel culicum, vel aliquorum hujusmodi, non est præordinatus à Deo, sed quod non est præordinatus à Deo, Quæ particula, P E R S E, valde notanda est: ex illa enim aperte colligitur, quod S. Thomas ibi solum intendit docere, quod sicut in universo quadam sunt quæ propter se provident, in quibus essentialiter consistit perfectio universi, quæque perpetuitatem habent, sicut & universum est perpetuum. Alia vero non provident propter se, sed propter aliud, qualia sunt individua corruptibilia, quæ perpetuitatem habere non pos sunt nisi in specie, quæque licet præordinata sint & provisa, non tamen sunt provisa, nisi propter perpetuum esse speciei conservandum; cum & contra ipsa species proprie se si provisa, ut per se pertinens ad perfectionem universi. Ita reproborum numerus est quidem à Deo præscitus & præstitus, sed non per se, seu principaliter, sicut numerus prædestinorum. Prædestinati enim à Deo præordinantur principaliter ad bonum universi, scilicet ad finem supernaturalem, seu ad gloriam Dei, quatenus beatitudinem conse quuntur: reprobi vero solum secundario, quatenus sunt propter electos quibus omnia cooperantur in bonum, & quatenus ratione illorum manif estatur misericordia Dei in electis. Et ita clarè mentem suam explicat S. Doctor quæst. 5. de ve ritate art. 3.

C Objicies tertio: Ex providentia & cura tam vi lium & imperfectorum animalium, qualia sunt culices, musæ, serpentes, vermiculi, & similia, vilesceret divina majestas; nam ut communiter dicitur: De minimis non curat Praetor. Unde Augustinus relatus a D. Thomâ hic art. 3. ait: Ma lius est quadam nefare, quam scire, ut vilia: Ergo talis providentia non est in Deo ponenda.

Respondeo negando Antecedens, ut enim inquit S. Doctor ibidem in resp. ad 3. Licet nobis melius sit non cognoscere mala & vilia, inquantum per ea impedimur à consideratione aliquorum meliorum, non tamen Deo, qui simul omnia uno intuitu vider. Et qui (ut inquit Dionysius) non secundum visionem singulis se immittit, sed secundum unam causæ continentiam, omnia scit.

Addo quod, tantum abest quod infinita Dei majestas, ex tam vilium & imperfectorum animalium curâ vilescat, quin potius in illis magis ejus infinita sapientia & potentia reluceat, quam in alijs animalibus ingentis molis & magnitudo.

Rrr ij

Tom. I.

Lib. 11. dinis. Ut enim eleganter ait Plinius: Rerum natura nusquam magis quam in minimis tota est. Et cap. 2. Epist. 3. D. Hieronymus ad Heliодорум; Creatorem non in celo tantum miramus, & terra, Sole, & Oceanio. Elephantis, Camelis; sed & in minimis quoque animalibus, formicis, culice, muscis, vermiculis, & istiusmodi genere, quorum magis scimus corpora quam nomina; eandemque in cunctis admiramus soleriam. Item Augustinus libro 3, de Genesi ad litteram cap. 6. Creat minima corpore, acuta sensu animantia, ut majore attentione stupemus agilitatem musca volantis, quam magnitudinem jumenti gradientis, ampliusque miremur opera formica, quam onera camelorum. Unde terna, 119, de tempore concludit, quod Deus magnus est in magnis, nec parvus in minimis. Vide etiam potest Pater Ludovicus Granatensis in Catechismo 1. parte cap. 18. ubi de hoc eleganter & eruditè suo more differit.

§. VIII.

Solvitur alia objecatio, & quomodo Divina providentia, rerum contingentiam & libertatem non tollat, breviter declaratur.

39. *O*bijices ultimò contra ultimam conclusiōnem. Si res humanae divinā providentiā regerentur, & ea quae fiunt à nobis, essent ab āeterno à Deo præordinata, ac prædefinita, toleretur omnis libertas & contingentia nostrorum actuum, & omnia quae fiunt à nobis, fatali quadam necessitate contingenter: quia āeternū illud divinā providentiā decreatum, esset immutabile, & infallibile, & in tempore à Deo præordinato, infallibiliter suum consequeretur effectum; & sic frusta fierent exhortationes, consultationes, deliberationes, preces, orationes, & similia. Unde Seneca in Oedippo.

Fatis agimus, cedite fatis.

*Non sollicite possunt cura
Mutare rati stamina fusi.
Quidquid patimur mortale genus;
Quidquid facimus, venit ex alto.
Vix illa Deo vertissit licet.
Qua nexo sunt currunt causis.
Ita cuique ratus prece non nulla
Mobilis ordo.*

*Et Horatius lib. 1. Ode ad Fortunam:
Te semper anteit seva necessitas.
Clavos, trabales, & cuncos manu gestans
Athena, nec severus uncus abest,
Liquidumque plumbeum.*

40. Respondeo idem argumentum sub alijs terminis proponi à Seneca Philosopho, lib. 2. naturalium questionum, ubi postquam divina providentia (quam alio nomine fatum appellat) imminutatem, efficacissimis rationibus demonstravit, hæc sibi objicit.

Fata alterius suum peragunt, nec ullā commoventur prece: non misericordiā fluctuantur, non gratiā, servant cursum irrevocabilem, ex destinate fiunt. Quemadmodum rapidorum aqua torrentium in se non recurrat, nec moratur quidem, quia priorem supervenientis præcipitat. Sic ordinem rerum fata eterna series rotat, cuius hec prima lex est, stare decreto. Quid enim intelligis fatum? Existimo necessitatem rerum omnium, actionemque, quam nulla via rumpat. Hanc si sacrificijs, & capite nivea agna exorari judicas: divina non nosti. Sapientis quoque sententiam negabis posse mutari, quamvis magis Dei? Cum sapiens

A quid sit optimum in praesentia sciāt, illius divinitatis omne praesens sit.... Quid ergo expiations, procurations, quid orationes quæ Dijs sunt pro aliquo munere obtinendo?

Huic difficultati egregius ille Philosophus sic responderet: *Quadam à Dijs immortalibus ita suscepit, ut in bonum vertant, si admota preces fuerint; si vota susceptra. Ita non est hoc contra fatum, sed ipsum quoque in fato est. Aut futurum, inquit, est aut non? Si futurum est, etiam si non suscepis vota, fieri. Si non est futurum, etiam si suscepis vota, non fieri. Falsa est ista interrogatio, quia illam medium inter ipsa exceptionem præterit. Futurum (inquam) hoc est, sed si vota suscepta fuerint, hoc quoque necesse est, fato comprehensum sit, aut suscipias vota aut non. Puta fatum est, ut hic disertus sit, sed si litteras dicieris, ab endem fato continetur ut litteras discat, idèo disset. Hic dives erit, sed si navigaverit: at in illo fati ordine, quo patrimonium illi grande promittitur, hoc quoque protinus fatum est ut navigerit, idèo navigabit.... Sic cum sanitas videatur esse de fato, debetur tamen medico, quia ad nos beneficium fati per hujus manus venit.*

Hactenus Seneca præclare difficultem illam, immutabilis providentia cum rerum contingentia, humanorumque actuum libertate concordiam explicavit, quo non melius Christianus Theologus: eodem enim modo illam declaravit **C** S. Thomas 3, contra Gent. cap. 94. his verbis: *Cum divina providentia non solum subdantur effectus, sed etiam causa & modi essendi, non sequitur quod si omnia Dei providentia aguntur, quod nihil sit in nobis: sic enim sunt à Deo provisa, ut per nos liberè & contingenter sint. Et hic art. 4. primum loco sibi objicit; Omnis effectus qui habet aliquam causam per se, qua jam est, vel fuit, ad quam de necessitate sequitur, provenire ex necessitate: ut Philosophus probat in 6. metaphys. sed providentia Dei cum sit aeterna, præexistit, & ad eam sequitur effectus de necessitate; non enim potest divina providentia frustrari: Ergo providentia divina necessitatem rebus provisis imponit.*

D Cui arguemento sic responderet: *Ad primum dicendum, quod effectus divinae providentia non solum est aliquid evenire quocumque modo, sed aliquid evenire vel contingenter, vel necessario; & idèo evenit infallibiliter & necessario, quod divina providentia disponit evenire infallibiliter & necessario; & evenit contingenter & liberè, quod divinae providentiae ratio habet, ut contingenter & liberè eveniat. De hoc plura dicemus in Tractatu de prædestinatione, ubi veram ac legitimam humanæ libertatis, cum divina Providentia, & Prædestinatione concordiam, fusè exponemus.*

§. IX.

Vlium argumentum diluitur, & explicatur modus quo mali subjiciuntur divinae providentie.

Obijices ultimò: Si daretur divina providentia, illa esset universalis, subindeque non solum ad bonos, sed etiam ad malos aliquo modo se extenderet: At Deus nullam habet providentiam de malis & peccatoribus, cum eos non amerit, sed odio habeat, nec malum & peccatum ab eis excludat, sed eos peccare sinat, & in peccato perseverare, ac moti permittat: Ergo &c.

Respondeo concessa Majori, negando Minorem, Deus enim non solum bonorum, sed etiam